

人物

職官 循良

後魏

房悅

字季欣解褐廣平王常侍歷遷高陽太守轉廣川普泰中置南清河仍

以悅爲太守凡歷三郡民吏安之遷東平將軍大中大夫

庫狄峙

其先遼東人徙居代少以宏厚知名善騎射有謀畧仕魏位高陽郡守

爲政仁恕百姓悅之孝武西遷峙乃棄官從入關 周書本傳

北齊

李繪

平棘人拜高陽內史高陽舊多陂淀繪至後淀水皆涸乃置農正專主

勸課墾田倍增家給人足瀛州三郡人俱詣州請爲繪立碑於郡街 大清一統

志

宋

孔守正

開封浚儀人淳化初擢高陽關副都部署軍中小將有冒校長者守正

械送關下取裁於上未嘗專決 宋史

馮守信

字仲孚滑州白馬人咸平中知瀛州兼高陽關都部署守信雖在軍旅

數以孝經論語爲人講說其治民寬簡有法故人畏愛之歷遷至威塞軍節度使

元

王思宗

太原人爲高陽令持法堅而性仁恕撫百姓煦然若傷尤愛卹士卒興

學養士課農營田高陽德之其子成徙東鹿孫驥封靖遠伯

明

王弼

招遠人宣德間以胄監知高陽縣勸課農桑教養士庶九年秩滿當遷

安州同知百姓伏闕奏留再任三年前後凡十二年安州民亦仰慕保陞本州同

知去之日父老攀號遮道

徐英

福建長樂人宏治六年以胄監知高陽令開誠布公人和政舉稱爲愷

懷君子

胡紳

陽穀人成化五年以胄監任高陽令勤於撫字不急催科未幾以憂去

民多思慕

宋守約

河內縣人進士成化十七年任高陽縣居官持重守道不回性鯁介不

事逢迎旋以降調去人皆惜之

陳永直

字敬所蒲州舉人任高陽知縣廉平不苟遇事寬和以憂去吏民惜之

李體良

號四溪高陵舉人隆慶六年任高陽令馭吏不嚴而肅編諸徭役詳而

能慎上官嘉其精練

喬繼科

曲靖舉人任高陽令節縮財用爲政寬和歲稔立社倉儲穀數千石築

城易以磚石葺學宮並樹之栢又創建文昌祠文筆峯士民感之

周之藩

號熙菴臨清孝廉任高陽令橫堤決邑幾爲魚次年復大浸之藩率吏

民守四十晝夜每當雨輒跪禱泥塗中襟面淋漓左右皆爲之悲泣居五年庭無

呼冤案無留牘遷鹽運同知

錢春

武進縣進士萬歷三十二年令高陽恩威並著赫赫有聲每上檄爲民事則奉行惟謹間以非急勞民及以民供喜怒則堅執不與邑東龍化里以水地爲患申請減賦別其名曰水免蒞任四年盜息民安撫按交章荐民建祠於南郭立碑紀其德政後官至戶部尙書

清

劉嘉註

平原進士順治四年令高陽至之日土賊猝起蜂聚攻城火光燭天矢集如雨嘉註守禦得宜人無退志城獲以全痛士民失業又罹兵革撫循周摯期年調永興去邑人爲立祠於城南田果莊

陳守創

字木齋江西高安人康熙甲戌進士由庶吉士改授高陽知縣蒞任值布里橋新立欽堤躬親查修種樹護堤伏暑炎蒸不輟地畝被圉民多失所守創爲之釐正是非申部民獲復業城東諸村屢被水災乃於劉家溝村東立放水口

並勒石以垂久遠康熙四十八年蠡縣堤決水浸城南堤岸約集士民盡
縣城西門圯捐貲修葺暇日課士論文領鄉薦成進士者指不勝屈在任十三年
布衣蔬食不異寒酸執法嚴明遇事耿介溫恭待人清勤持己士民爲之立祠以
祀歷官戶部倉場侍郎

[illegible]

職官 忠武

宋

楊重進 太原人太平興國中爲高陽都部署契丹兵至力戰歿於陣 宋史

李興 字仲舉原武人也咸平二年以東班殿侍隨彰國軍節度使康保裔部軍於高陽關契丹內侵大將特城千里閉逃保裔以其屬出興提少卒所戰輒破寇博我疾孤堅弗支舉軍陷焉乃以義死時年四十有六

康保裔 洛陽人真宗時爲高陽關都部署契丹大入諸將與戰於河間保裔選精銳赴之契丹圍之數重左右勸易甲馳突以出保裔曰臨難苟免決戰二日殺傷甚衆兵盡矢絕援不至遂歿焉 宋史

李重貴 河陽人真宗時爲高陽關行營副都部署康保裔爲敵所覆重貴與鈐轄張凝赴援腹背受敵自申至寅力戰敵乃退時諸將頗失部位獨重貴凝全軍還屯凝議上將士功狀重貴喟然曰大將陷沒而吾曹計功何面目也上聞而嘉

之 宋史

王 果

饒陽人以功擢領賀州刺史兼高陽關路兵馬鈐轄中官楊懷敏領

邊屯田事大廣塘水邊臣莫敢言果獨抗辨水浸民田無益邊備懷敏怒訴果不

法左遷青州兵馬都監 宋史

職官 幹畧

後魏

崔 振

字延根博陵安平人自中書學生爲秘書中散太和二十年由咸陽王司馬轉高陽內史高祖南討徵兼尙書左丞留京振旣才幹被擢當世以爲榮後改定職令振本資惟擬五品詔曰振在郡著績宜有褒陞除太子庶子終

崔 國

字法峻幼好學汎覽經史多技藝尤工相術天保初尙藥典御乾明拜高陽郡太守太子家令武平假儀同三司卒於鴻臚卿

宋

李漢超

雲州雲中人宋初爲關南兵馬都監在郡十七年政平訟理吏民愛之詣闕求立碑頌德太祖詔准更令徐鉉撰文賜之太平興國初遷應州觀察使判齊州仍爲關南巡檢二年八月卒於屯所太宗甚悼惜贈太尉忠武軍節度中史護葬漢超善撫士卒與同甘苦死之日軍中皆流涕子守恩 宋史

李繼隆

字霸圖以父廕補供奉官太平興國中護高陽關屯兵從曹彬征幽州

破其衆數千南下固安新城進克涿州矢中左股血流至踵獲契丹貴臣一人軀欲上其功繼隆止之俄而傳潛米信軍皆敗衆潰獨繼隆所部振旅而還卽令繼

隆知定州 宋史

李允則

字垂範并州人知潭州遷滄州善禦寇帝召見勞慰之轉高陽行營兵

馬都監自陳武藝非所長不可以當邊帝曰卿爲我運籌畫可矣何必當矢石也每下諸路勅允則省而後行允則迅穎廳發而簡易無城府間步出遇民可語者輒命坐與語故具知閭里人情訟至無大小立斷善撫士皆得其死力盜發輒獲人莫知其故身無兼衣食無重肉在河北二十餘年事功最多時國信往來費用儀式多所裁定焉

楊守珍

字仲寶開封祥符人習書史學兵家方略善射契丹謀入塞爲鎮定高

陽關行營同押先鋒事會許民周繼宗爲人誣告株連六十人詞服遣守珍覆問

出徙眞定保趙等州駐泊都監

李守贊

字子美爲殿前走馬承受時康保裔戰歿或言降賊密詔守贊往察之

得其狀詔卹保裔家以守贊爲正定路走馬承受公事累遷高陽關都總管就判

瀛州卒贈太尉諡忠僖 宋史

魏能

鄆人也咸平四年爲鎮定高陽關三路鈐轄六年浚順安軍營河道以

扼寇徙鄭州路部署石普屯兵順安之西境詔能與楊延昭田敏特角爲備景德

初破敵長城口斬首級獲兵器甚衆詔賜錦袍金帶復以所部禦寇於順安軍累

遷加領康州團練使

蔚昭敏

字仲明祥符人咸平四年爲高陽關三路先鋒契丹入寇帝北巡至大

名契丹退趨鄭州昭敏與范廷召追至鄭州東三十里斬首萬級生擒甚衆契丹

遁去拜唐州團練使 宋史

閻承翰

正定人咸平五年入內都知代韓守英爲鎮定高陽關三路排陣都鈐

轄景德中承翰請鑿渠引唐河水自嘉山至定州三十二里又至蒲陰東六十二里合沙河經邊吳泊入界河以濟饋運上從其議渠成人便優詔褒之 宋史

高瓊

家世燕人祖霸父乾咸平中契丹犯塞上親巡河朔遣楊允恭馳往召瓊率所部出土門與石保吉會鎮定既而傳潛以逗留得罪卽召瓊代之瓊不識字曉達軍政然頗自任罕與副叅將議善訓諸子繼勳繼宣最知名

白守素

開封人咸平中爲鎮州鈐轄有據橋射敵功三路禦賊命魏能爲部署慮能剛愎難共事以守素久練邊計乃命爲鈐轄成順安以貳之景德元年契丹侵長城口守素與能發兵破之贈錦袍金帶 宋史

張綸

字昌言汝陰人以邊略典郡有大績徙橫海軍又徙瀛州高陽關兵馬鈐轄 范文正公集

張禹珪

字天錫河朔人知書有方略景德初授高陽關行營副都部署契丹旣請和帝思守臣有武幹能鎮靜邊郡者親錄十餘人禹珪預焉遂知石州天禧初

復爲高陽關副都部署明年召還

王能

定陶人咸平初知靜戎軍建議決鮑河斷長城口注塘水爲戎馬限方

舟通漕實塞下又開方田盡靜戎順安之境北邊來寇能擊走之景德初改鎮定

高陽關三路行營都部署押策先鋒護城有功手詔褒飭連徙天雄軍高陽關二

部署 宋史

周仁美

深州人開寶中應募隸驍捷軍從關南李漢超戰西嘉山身中重創補

隊長漢超上其功隸殿前班賜衣帶鞍馬器械大中祥符中爲高陽關副都部署

八年擢防禦使

高化

字仲熙真定人少沈勇有力不事耕稼學擊劍善射天聖中徙高陽關

路累拜殿前副都指揮使謹質少過馭軍有法雖起身行伍然頗知民事焉

孟元

字善長洛州人性謹愿少過頗喜讀書以挽強選補殿侍累遷兵馬都

監改鈐轄徙高陽關路權知滄州歲荒以軍食易民監由是民不轉徙御史中丞

郭勸言其貝州功賞未當乃擢晉州刺史遷忠州團練使高陽關馬步軍總管賈昌朝奏爲大名府路副都總管 宋史

王漢忠 字希傑徐州彭城人少豪蕩有膂力形質魁岸善騎射太宗在藩邸召見奇其才力置左右卽位補殿前指揮使累遷高陽關副都部署契丹南侵漢忠合諸軍擊敗之斬馘甚衆咸平初自中山召歸俄復出爲高陽關都部署進領威塞軍節度咸平三年改鎮定高陽關都部署三路都排陣使契丹掠中山漢忠率諸將陣於野契丹遁追斬甚衆獲其貴將加殿前副都指揮使改領保靜軍節度漢忠有識略軍政甚肅每行師詰旦必行香祝曰願軍民勿犯吾令違者一毫不貸故所部無盜性剛果不務小節輕財樂施好讀書頗能詩喜儒士待賓佐有禮名稱甚茂 宋史

李繼宣 開封浚儀人雍熙四年爲高陽關行營都監端拱初契丹騎至瀛鎮繼宣率步騎萬人入敵境焚聚落契丹引還時易州侯騎不至繼宣於易州平塞軍

長城口順安軍至高陽爲望櫓七所舉烽以候警二年爲鎮定高陽關三路排陣都監押大陣西偏李繼隆饋芻糧還渡徐河爲敵追襲繼宣駐軍與鬪殺獲甚衆又領騎二千敗契丹於保州西射城追薄西山有詔褒美淳化中改高陽關行營都監課軍中勁弩爲入陣之備徙定州鈐轄并契丹於唐河景德中與契丹和爲高陽關鈐轄 宋史

崔 翰 由定國軍節度使爲高陽關兵馬都部署初契丹兵數萬寇滿城翰會李漢瓊兵於徐河河陽節度崔彥進兵自高陽關繼至因合擊之契丹投西山坑谷中死者不可勝計俘馘數萬所獲他物又十倍焉以功擢武泰軍節度使雍熙三年北伐不利復命翰爲都部署

王繼恩 陝人雍熙中爲天雄軍駐泊都監自岐溝關君子館敗績之後河朔諸路城壘多圯四年詔繼恩等分路按行增築之及遣將北伐又爲排陣都監端拱初爲鎮定高陽關兩路排陣鈐轄

安守忠

字信臣晉陽人端拱中知滄州改瀛州兼高陽關駐泊都部署遷瀛州

防禦使謹憲淡泊爲治簡靜所至藩郡樂施與豐宴犒且喜與士大夫遊故時論

多與之云

葛霸

真定人姿表雄毅善擊刺騎射淳化元年擢殿前都虞侯領藩州觀察

使爲高陽關副都部署凡七載召還制授保順軍節度典軍如故出爲鎮州都部署徙天雄軍咸平三年車駕勞師於大名霸與石保吉同來覲時康保裔戰歿卽日以霸爲貝冀高陽關前軍行營都部署 宋史

韓崇訓

字知禮乾德中以廕補供奉官歷官閩越移北邊凡二十五年咸平二

年以勞徙高陽關行營鈐轄移并代六年命爲鎮定高陽馬步軍都鈐轄屢立戰

功兩敗契丹於唐河 宋史

薛向

字師正以祖顏任太廟齋郎擢京兆戶曹進龍圖熙寧中遼人求代北

地北邊擇牧加樞密直學士給事中知定州高陽關募兵敵陰遣人應選向諜知